

《习惯说》

姓名：_____



蓉少时，读书养晦堂之西偏一室。俛而读，仰而思；思而弗得，辄起，绕室以旋。室有洼径尺，浸淫日广。每履之，足苦蹶焉，既久而遂安之。

一日，父来室中，顾而笑曰：“一室之不治，何以天下国家为？”命童子取土平之。后蓉复履其地，蹴然以惊，如土忽隆起者。俯视地，坦然则既平矣。已而复然，又久而后安之。

噫！习之中人甚矣哉！足利平地，不与洼适也；及其久，则洼者若平。至使久而即乎其故，则反窒焉而不宁。故君子之学，贵乎慎始。

主题：_____

选择答案：

就	踩	低头	等到	不能	阻碍	凹陷	习惯
不久	接触	所以	绊倒	踩	抬头	影响	又